

17. august 2017

UKA2017/35

Inatsisartut suleriaasianni § 33 naapertorlugu Naalakkersuisut peqquneqarnissaannik Inatsisartut aalajangiiffigisassaattut siunnersuut matumuuna imaattoq saqqummiuppara:

Inatsisartut aalajangigassaatur siunnersuutigineqarpoq Naalakkersuisut peqquneqassasut UPA2018-imut Tunumi aalisarneq pillugu nassuiaat agguaatissagaat. Nassuiaatip imarissavaa Naalakkersuisut aalisarnikkut inerisaaniarlutik iliuusissaat – kiisalu innersuussutit, aalisarnerup inerisarnissaanut tunngasutigut siunnersuutaasut.

(Inatsisartunut ilaasorta, Laura Táunâjik, Siumut)

Tunngavilersuut:

Naalakkersuisooqatigiinni isumaqatigiissut naapertorlugu *”Tunumi Tasiilap eqqaani Ittoqqor-toormiunilu aalisarnermik inuussutissarsiuteqarneq immikkut pilersaarusiugaasumik siuarsarneqassaaq, aalisariuteqarnikkut tunitsiveqarnikkullu ineriartortitsiviusumik.”*

Siunniussap aallartisarneqarniassammat matumuuna una siunnersuutigaara. Oqaluinnavilerpugut, s.a. upernaakkut 2016-imi Inatsisartuni ataatsimiinnermi apeqquteqaateqarluta oqallippugut, tassanilu Tunumi aalisarneq (UPA2016/72) eqqartorparput. Maanna tassa piffissanngorpoq ingerlaqgeriassalluta.

Tunumi innuttaasut piunnaqqarput – aamma kissaatigaat – aningaasaqarnikkut inerisaarusullutik aalisarneq aqutugalugu. Massakkut paasiinnartigu qanoq ililluta aqutissaminut ikiorsersinnaanerigut! Tunumi aalisarnikkut inuussutissarsiorneq nukittoq pilersinneqarpat taamaallaat aalisartut ataasiakkaat ilaqaataasalu iluaqutigissanngilaat, nunallu immikkoortua tamaat iluaqutissaraa.

Aningaasaqarnikkut allaffissornikkullu pisortanut kingunerisassai: Pisortanut kingunerisassai takuinnarlutit imatorsuaq kingunerisassaqqanngilaq. Tunumi aalisarnerup inerisarnissaa apeqqutaavoq Naalakkersuisunit malinnaaffigineqartuartoq – aammami Naalak-kersuisut § 37 aqutugalugu apeqqusiornermi akissutaat takuinnarneqarsinnaapput nr. 272-277-279/2016, kiisalu akissuteqaat UA2016/72-imut takuinnarlugu.

Tamanna pillugu nalunaajaat ilimagineqanngilaq AC-tut atorfillip akissarsiai ukiup affaanoortut sinnersinnaagaa. (250.000kr missaanni).

Namminersorlutik inuussutissarsiortunut aningaasaqarnikkut allaffissornikkullu kingunerisassai: Naalakkersuisut inuussutissarsiortut ilanngutissagunikku aningaasartaqariataarsinnaavoq, tamannalu ilimanangimmat inuussutissarsiortumut aningaasartuutaanissaa ilimanangilaq.

Illuatungaaticut ersarippoq nalunaajaat innersuussutai, naalakkersuinikkut imatut kinguneqassappata allaat iliuuseqartoqartariaqarluni taava soorunami Tunumi namminersortutut inuussutissarsiortunut kinguneqariataarsinnaavoq.

Innuttaasunut aningaasaqarnikkut allaffissornikkullu kingunerisassai: Soqanngilaq.